

# ÖRNEFNANEFND

## Ársskýrsla

2015

### ÖRNEFNANEFND

Laugavegi 13, 101 Reykjavík

Sími 525 4432 og 525 4433 · Netfang ornefnanefnd@hi.is

[http://www.arnastofnun.is/page/arnastofnun\\_nafn\\_ornefnanefnd](http://www.arnastofnun.is/page/arnastofnun_nafn_ornefnanefnd)

## Skipulag

Örnefnanefnd starfar á grundvelli laga um örnefni nr. 22/2015, sbr. og Lög um Stofnun Árna Magnússonar í íslenskum fræðum nr. 40/2006, með síðari breytingum, Lög um landmælingar og grunnkortagerð nr. 103/2006, með síðari breytingum og Lög um skráningu og mat fasteigna nr. 6/2001, með síðari breytingum.

Örnefnanefnd var þannig skipuð frá 1. júlí 2015:

*Pórunn Sigurðardóttir* formaður, án tilnefningar.

Varamaður: *Haraldur Bernharðsson*.

*Halldór Blöndal* varaformaður, tilnefndur af innanríkisráðuneyti.

*Gunnar H. Kristinsson*, tilnefndur af umhverfis- og auðlindaráðuneyti.

Varamaður: *Danfríður Skarphéðinsdóttir*.

*Hallgrímur J. Ámundason*, tilnefndur af Stofnun Árna Magnússonar í íslenskum fræðum.

Varamaður: *Jónína Hafsteinsdóttir*.

*Margrét Jónsdóttir*, tilnefnd af Íslenskri málnefnd.

Varamaður: *Sigurður Konráðsson*.

Örnefnanefnd hefur aðsetur í húsakynnum nafnfræðisviðs Stofnunar Árna Magnússonar í íslenskum fræðum að Laugavegi 13 í Reykjavík.

## Verkefni

Verkefni Örnefnanefndar eru skv. lögum þessi:

1. að veita rökstutt álit um örnefni vegna birtingar í opinberum örnefnagrunni hafi risið ágreiningur um það efni og honum verið skotið til nefndarinnar;
2. að úrskurða um nýtt eða breytt bæjarnafn, götunafn eða annað það nafn sem notað er til skráningar á staðfangi hafi risið ágreiningur um það efni og honum verið skotið til nefndarinnar;
3. að úrskurða um nöfn á skiltum opinberra aðila;
4. að veita umsögn um fyrirhugað nafn á nýjum þéttbýliskjarna eða hverfi innan sveitarfélags;
5. að veita umsögn um nafn sveitarfélags, sbr. 6. gr. laga um örnefni;

6. að veita umsögn um nafn á nýju náttúrufyrirbæri innan sveitarfélags;
7. að sinna öðrum verkefnum sem henni kunna að vera falin með lögum, reglugerðum eða ákvörðun ráðherra.

Örnefnanefnd er heimilt að taka upp mál að eigin frumkvæði.

## Heimasíða

*[www.arnastofnun.is/page/arnastofnun\\_nafn\\_ornefnanefnd](http://www.arnastofnun.is/page/arnastofnun_nafn_ornefnanefnd)*

Á heimasíðu nefndarinnar má m.a. finna aðgang að lögum um örnefni nr. 22/2015, ársskýrslur Örnefnanefndar frá árinu 1998, meginsjónarmið nefndarinnar um nöfn sveitarfélaga og skrár um nöfn á býlum sem tekin hafa verið upp eftir 1. ágúst 1998.

## Fundir og afgreiðsla erinda

Haldnir voru 7 formlegir fundir í Örnefnanefnd árið 2015.

Auk þess tók formaður Örnefnanefndar þátt í vinnu við samningu reglugerðar fyrir skráningu staðfanga á vegum Þjóðskrár Íslands og Sambands íslenskra sveitarfélaga, alls 3 vinnufundir á árinu.

## Umsagnir, álit og úrskurðir

Örnefnanefnd gaf umsögn um nafnið Ivestindur sem óskað var eftir að setja á tind við Morsárjökul, skv. beiðni frá Sveitarfélaginu Hornafirði.

Nefndin gaf umsögn um fjórar tillögur að nafni á nýtt hraun í Holuhrauni, skv. beiðni frá Sveitarfélaginu Skútustaðahreppi og nafnanefnd skipaðri af sveitarfélaginu.

Enn fremur gaf nefndin umsögn um átta tillögur að nafni á Sveitarfélagið Skeiða- og Gnúpverjahreppur, skv. beiðni frá sveitarfélaginu.

Þá samdi nefndin greinargerð um örnefnið Vatnsfell (Wattsfell), skv. beiðni frá Víði Gíslasyni, Akureyri.

## **Annað**

Örnefnanefnd fjallaði um fyrirhugaða nafnbreytingu á bæjarnafni, samkvæmt beiðni frá eiganda.

Örnefnanefnd vann að samningu Reglugerðar fyrir störf Örnefnanefndar og að Leiðbeiningum um nafngiftir býla, sveitarfélaga og náttúrufyrirbæra handa sveitarfélögum.

Örnefnanefnd bárust allmargar fyrirspurnir á árinu sem svarað var símleiðis, með tölvupósti eða sendibréfi þegar það átti við.